

L A
POTIONE
COMEDIA,

DI M. ANDREA
CALMO,

Di nuovo corretta, et ristampata,

Biblioteca del Principe Gabrielli

Roma

1804



BIBLIOTECA NAZ.
VITTORIO EMANUELE
ROMA

*per
Superiore
Levi*

IN TRIVIGI,

Appresso Fabritio Zanetti, M D C.
Con licentia de' Superiori.

INTERLOCVTORI.

RANDOLFO

Studente .

ROSPO villan

.Seruo .

GARGANIO Bergamasco Parasito.

M.Despontao uecchio Mercadante.

MASSARA.

STEFANO²

DI ALESSI,

A MESSER PIETRO
FASSINA S.



MAGINANDOMI
giorno, & notte gra-
tiosissimo Messer Pie-
tro, come potrei in
qualche parte rispon-

dere à gli amoreuolissimi affetti, che
hauete in ogni tempo dimostro ver-
so di me, quanto più vo confide-
rando la grandezza dell'animo uo-
stro, & le uirtuti, che in uoi risplen-
dono, tanto più in me s'accende un
certo desiderio di pensare, di ragio-
nare, & di scriuere continuamente
di uoi. Onde uolendo io mandar

fuori la presente Comedia del facet-
tissimo , & ingeniosissimo Messer
Andrea Calmo , non posso ad altri ,
che à uoi dedicarla , al quale di già è
dedicata la uita mia , & parimente
tutte le cose , che da quella dipendo-
no . Rendendomi certo , che per
esser detta Comedia , & ingegnosa ,
& argutamente composta , ella sia
non poco per dilettarui . Questa
dedicatione per hora accetterete ,
dandomi l'animo dedicarui per lo
auuenire altre Opere , che per me ,
al Signor Nostro piacendo , si da-
ranno in luce , & di maggior impor-
tanza , & alla uostra altezza , più
conueneuoli . Alla uostra buona
gratia di continuo mi raccomman-
do .



PROLOGO

ALLA GRECA.



CHIE diascance mi se trouaro
aldri morphicalone palichari
valend'huomegni del far che-
sto parlamendo, nu xe mi ve-
gnuo del fora stincriti, sto Can-
dia, chie chesti rencitaori nel mentuo à fari la
pruexio, ò per diri meio argagninto, pero-
longo, denicero tippotis, mi no fastu gnien-
di de chesto scumerdia, ò chie mi stari fanfa-
lungo, alismognisla me smendegao (cangaro
la magna) potè la mio zegno no indra de sa-
uienza cula poenti lenterai, mò chien disì la
mio mingò, cauro dolce Randopolo, voio chie
me faranstu la seruinfo de portari nonciamen-
do de caglitere nouele de namurainci; stimbi-
stimu, credo me scurdao, per chie mi sta de-
cernellaizo, no posso tegniri tanta romba in

mio cori, e dendo via la mio bucha, ò carteri
spenta pocugli, tora andesso, me salda à re-
curdanza, si si, vna vecchio no pustu fari fio-
li, l'aldro zuuegni xe namurao cul so muieri,
e mentuo del menzo vna berdalasco gulainz-
zo, chie per danari la stamena, la ducanti, fa
rufianenzo del ponuero vecchio chilonso, e
tundi candi voli truffari Madonna Culindonia,
per chie anchi ella ghel pentero in corpo vn
merdisina, che saranstu masculi, e nu se corze
del gambarula chie fando misseri Despundao
so cuforte, si xe bella me piani, è si no saran-
stu tando galandi, prenciussa, no voio culpari
maistro chie la stu fambricanda, mo chesti zu-
uegni gaiardi del bizzaria, chie volensto alla
so mondo, tel prengo tundi candi sopasè, ta-
si, e no diri gniendi, perchie xe vergogna,
chando se prouaro la vertuonfi, slarga vostro
bunfi, perche indra be drendo la nostro del che
sti derfuli mie frandeli scumerdia, piena del ri-
sarugni stecchis calignora, sta bon' hora e per-
dunemeló si no saranstu come vui merinta, af-
fendi aphis, mie Signori.






ATTO PRIMO.



RANDOLFO *Studiante,*
 ROSPO *villan suo seruo,*
 GARGANIO *Bergamasco, Parasito,*
 M. DESPONTA *uecchio Mercadante*

Ran.  OSTO non ti partire,
 ch'io ti voglio vn pecc.

Ro. A son chiue paron, bell'è
 derto.

Ran. Tu sai l'amore ch'io porto
 à madonna Calidonia.

Ro. Cancarè sal so, mo consi.
 ne fussen sinza.

Ran. Taci, e non dir più così; perciocche mi conten-
 to di patir ogni passion, per così nobil gentil-
 donna.

Ro. Si an, mo à ste adonchena consi tutto'l diaz-
 zo, fregolantoue, che à parè vn'inspiritò.

Ran. Hor odi.

A T T O

Ro. *Disi pure.*

Ran. *Io vorrei che tra te, & io, & la buona fortuna, pigliassimo rimedio al mio dolore; che ne dici?*

Ro. *Zo que à digo? vi paron le na consa che à go bel e impensò mi, à se de compare.*

Ran. *Bene: che cosa è?*

Ro. *Mo à ve dirò, zo que à farae mo mi si à foese con si vu sauiu, intendiu?*

Ran. *Dillo di gratia, quello che faresti.*

Ro. *Po, ò, à si ben cogombaro, mo à torae lo parere de Garganio, che è mezo sansaro, e mezo bezzaruolo, porta messiti, che con darghe ben da magnare, à vel farè saltar denanzo tre dì e tre notte, no cha fauelar pre vù à madonna Culindonia.*

Ran. *Rospo fratello tu hai benissimo pensato, e ti prego va e fallo uenir, che io gli parlerò.*

Ro. *Mo donta sariu, che uel menerò de fatto mi?*

Ran. *In piazza, ò uero alla spicciaria del boue.*

Ro. *A uago, e si à no tornerò che'l uegnerà an lu con mi.*

Ran. *Se la cosa riesce, che Garganio con il suo intelletto mi aiuta, io mi terrò il più felice innamorato hoggi di si troui: caso che nò, potrò ben dire quel uerso: Vane speranze mie che in me uiuete. Ah Randolfo colmo di passioni e tormenti, è possibile che non trouerà mercede*

cede il mio lungo seruire? sarà ogn'hora per te il Cielo turbato? ti sarà sempre inimico Cupido? permetterà la sorte, che il fine mio sia tenebroso, & che dopò tanti sospiri non mi si mostri benigna la mia signora, la mia guida, & il mio dolce riposo?

Gar. Si bè, si bè misser Randolf.

Ro. Paron à seon chine, laldò sea Deo.

Ran. O Garganio fratello ben uenga.

Gar. Patrò bel, à son chilò, e si ho intis da Rospo, ol uoster debefogn, tochela zà, che u'imprometti da ualent, de faf hauè ol uoster content: ma di al guagnili si.

Ran. Haime tu m'hai rauinato tutti i spiriti.

Ro. Vin mo paron, chel ghe remielio à tutte le conse dinfuora la morte.

Gar. Po,ò, le un bel fat, nos dubite Signor Randolf, che si in do le mà de un'hom ches porta amor.

Ran. Se questo fai Garganio per sempre ti serò obligato, oltra che la casa mia di continuo ti sarà aperta.

Ro. E magnare, e beuere, e an donarge di guarniegi.

Gar. Mo, s'intend, per que fradel ol mangià, e bif è ol uerbo principal, che fa andà in di pericoi i personi.

Ran. Tu harrai ciò che saprai addimandar da me, pur che mi agiuti dolce Garganio.

Ro. A si à caualo cancaro, no ue desconè pi, per-
que

A T T O

que el m'ha derafonò à con partio el vuole
che à fazzè.

Ran. In che modo, trammi di dubbio per tua fede,
e non mi tenir ambiguo nel desiderio.

Gar. Mo ascolte patrò, tref in zà, che qualch'u no
intendes ol noster parlament.

Ran. Stiamo quì, che alcuno non ci può odire.

Ro. Lassa che à farò la guarda mi c'ho bon ogio?

Gar. Aldì bè. Messer Despontad ol marid de ma-
donna Culidonia m'ha dit plù e più volti chel
pagheres ina bona summa de dener, per havi
fi fiol mascolet, perque no la gin fa, al se in-
fida mo in dol fatto me, che si ghe dises chel
se tres i pagn de dos e chel restes in camisa, el
lo faref, tant le bo murlonaz, voi mo di ina
creatura purazza à mo ù gambel, eg voi mo
arecordà e conseià che le vegnud ù medeg cheg
basta l'anem, da fa che l'hauerà fioi maschoi,
e ic si hauerà la fomèna.

Ran. Fin hora non t'intendo nulla, s'altro non mi
aricordi.

Ro. Mo scoltè pota de le strambe, à si impresio-
so.

Gar. A voi che disì quand che sarei infema che si
medeg, e che ghavi ù secret miraculos e po la-
ghem fa à mi dol rest.

Ran. Io dubito che la cosa non riesca, & che il giun-
to sia doppio sopra di me, caso che il vecchio
sì

si venisse accorgiere ?

Ro. Aldì paron andon à disnare , che à faron el conseio con se diè , infra nu trè fora de sto bauto deschilò .

Ran. Tu hai parlato sauamente , andiamo .

Gar. A stauì à guarda , sem voluì da licentia à la sfagnolada icfì da merlot .

Ro. Ho fieuera , che la tauola e'l marturio di seggi .

Desp. Si hanesse mai pi da tior moier , che Deus aduertat , che in vero e no trouo la mior vita , che cuor contento , e schiauina in spalla , zoe spa , e capello , idest soletto , senza impacci attacc ai alla cintura , co maxime quando l' homo s' imbatte à tior vna donna sterile , che nì boni cibi , nì saluadisine fresche , nì onguenti , nì inuodi , nì tegnir ben coltiua la possession , nihil zionua , e tutto quel che se ha vadagnao in vita soa el se scouien lagar à chi no n' è de la so linea , e à chi ghe ne indorme in tel mustazzo , dasspuo morti al sangue del persmolo che si sta mia muier fosse vna vacha d' vn penero contadin , la saraue la so total ruina in farghe le spese senza hauer vn fiutto da liè , e si e no credo zà chel manca da mi : ma e tegno ben per certezza che la stampa scompissa , e si no hà la retentina , e da quà vien che la matricola no puol sustentar la vertue de inzenerar , e
cusi

A T T O

cusi tien per fermo tutti i miedeghi dal Coral, eampo en de ne se squasi la pi parte de sperimentai, e brighenti de gran aiuto, che oio mo fatto? e me ho desposto che si no trouo remedio che possa lagar heriedi daspuò de mi, e me ho determinao de far prononciar vn di-mortio, e deslezerirme de sto grauame troppo molesto, e insopportabile alla mia complession.

Gar. Laghe pur l'impaz à mi, e nof dubitè de negota.

Desp. E vorauè mo consciarme con Garganio, che so chel me ama, e si è homo pratico, e scozzonao in ogni cosa.

Gar. A son chilò patrò bel à i voster commandi.

Desp. O bondi, bondi, alfabeto mio iuridico.

Gar. Dè ve daghi ol bon'ann', e la bona not Signor da bè.

Desp. Tasi sti me vuol ben, de bona notte, che per mio conto e no vorauè mai che la vegnisse.

Gar. Cum diauol nò, mo perque?

Desp. Perche no podando inzenegar, videlicet, no fiando la mia consorte cho ti sa, attà à receuer la copulatiua, quid ad me, che la me staga appresso, nianche mi dormir con essa, caro frar, che distu mo cerca de questo, dolce amicus noster.

Gar. Quel che à dighi?

Desp.

Desp. Madesi, zo che ti disti?

Gar. Af respondi, che sel non manca da vù medem,
à gho trouat vn espedient de tornaf l'anema
in dol veter, e de fas havi ù fiolet mascol.

Desp. Che? che distu Carganio? rasonistu da seno,
ò pur me dastu la mare de Vrlando, per dar-
miela compia?

Gar. A ve dighi de nò, che l'è manch de do hore,
che so stad in parlament con dun folester vo-
ster vesì medeg secret, chel m'ha dit chel no
ne hom à lu à trouà la via, alla fomena che la
tegni fìoi mascoi.

Desp. Mo si stà cosa è vera, condaname zo che ti
vuol, e può far me to schiauo in vita mia.

Gar. Ol condanà è si fatt, chel vol cinquanta ducati
per i costi chegh va: ma de la so fadiga, per
amor me, à farò che l'haueri in presentado.


Desp. O fio, occhio mio, lagamete basar sun sta-
niona, e sia fatto quanto ti commanderà.

Gar. In dei costi però honestissimi.

Desp. Horsuso, che se ha da far auanti chel se pen-
tissa.

Gar. Aldi, andem in cà, ches dirò ol tut, à cho par-
tid l'è debefogn de sauis governà,


Desp. Ti parli ben, ti me confegi d'amigo.



ATTO SECONDO.



GARGANIO, DESPONTAO,
Rospo, Randolfo,

Gar.  L corpo de me pader, que no
podì pericolà, e si g'hauì la
ventura, per i cauei.

Desp. No dir altro che ho pi da ca-
ro cha si vn me portasse do
concoli carghi de pan d'oro à donar.

Gar. O Messer Despontad, ol saref mei, de portai
vn po de orina alla so cellentia, in cas chel la
domandes.

Desp. Cacasangue ti descori senestramente, mo a-
spettame quà su la porta, che anderò à far-
la pissar.

Gar. Ol ghe vol olter chal vostr inzeugn fradei, ò
Gargani valent, ades è la volta da guadagnà
cum sto messer beligorgna, ol signor Randol-
fo,

S E C O N D O. 3

fo, ach lu pensi d'hauì ol beuceraç, e madonna Culindonia ach ella no perderà negota, talmenter ch'ognu es porà chiamà satisfadi.

Desp. E son quà, al sangue de San Ziulia frar caro, che ho habuo gran fadiga à farla orinar.

Gar. Mo perque dolz messer Despontad.

Desp. Ha, ha, ha, sestu perche?

Gar. Messer nò, se no mel dist.

Desp. La dise che la no giera de berta, e che no ghe tegniua, e che cosa voio far d'essa, pensandose forsi, de qualche herbarie, pur in so mal'hora ghe l'ho fatta far con mille brontoli te so dir.

Gar. Al besogna patrò bel, quand che s'ha da fa con simel anemai fai carezzi e sugolà, cum se fa à i manzoi: horsus andem à parlai.

Desp. Aldistù? e te lago el cargo à ti de fauelarghe ogni particularitae, e anche mi può intrerò sestu, con bel muodo, per no parer vn fansarugolo.

Gar. Si, si, à disti tanto be, quest'è l'us de ca soa, tic, toc.

Ro. Chi è liue, à si vu Sgarganio.

Gar. A sem nù, quest'è il so famei, ò lel bò seruidor.

Desp. La ciera ghel dimostra, le ben veritae chel no ne danari che paga vn bon fante.

Ran. Chi mi addimanda? Garganio sei tu?

Gar. Signor si, al voster command, infema cum
sto

A T T O

sto zentilhom.

Ran. Siate li ben venuti, e cosi V. S.

Desp. E vù sieu el ben trouao integerrimo, & eccellissimo Dottor, e per molti esperimenti honorificao.

Ran. Egliè per bontade vostra Signor mio.

Gar. Horsus laghem anda vn po i cerimonij da vn cant e vegnim al noster cas.

Desp. Rasona ti secondo l'ordene, e può ghe mostreremo el scruiſo, che ancora el fuma.

Ran. Che buone facende vi conduce quì, cosi al tar-
do?

Gar. E ve dirò in duna parola mi, eccellente Messer Randolf, quest'è quel marcadant che sta mattina v'ho dit el so trauai, e quant chel desidera havi fioi mascoi, e icſi gho nominad la S. V. la qual per amor me, la se offerid de caual fo de sto spasem.

Desp. Cusi è, messersi, eccellente sì, ma de sì.

Gar. Hòra be cerca de pagà i operi el dis cho volentera el ve contenterà e de quest ste soura de mi.

Desp. Se intende, quel che gho promesso, no son per mancar.

Ran. Voi dite bene, hor ascoltatemi. Io per me Signor mio non mi curo che si sappichio sia medico; percioche la professione mia, è in maggior studi; ma perche ancor mi ho dilet-

zato di molti secreti , trouandomi à desinare con Garganio, ilqual vi ama, mi contò quanto sareste felice, se habeste almeno vn figliol maschio : io gli risposi che volendo voi presto l'harete . & sarà bellissimo .

Desp. Si voio an? e no cerco ni no aspetto nianche altro , saluo però con l'agiuto de la vostra ecclenz^a .

Gar. E g'hauim portad con nu l'orina , azzo que sguaitandola cum plù prestezza es tiri la cosa à bon fi .

Ran. Statemi à vdire:ma prima lasciate ch'io miri il segno ,

Desp. Dagbela Garganio e canala fuora de la soffoca .

Gar. Zolil bel zalet chlar , chel someia ina maluastra .

Ran. Vedete ancor che à voi paia di essere l'orina purgata , nientedimeno , io la conosco diffettiua .

Desp. Disè caro misier Dottor , basta mo , sit comodoconque sit , tanto co commanderè , mi è son per far .

Gar. Ma el s'intend , perque no volend fa al voster mod , la facenda anderà desconzada , es buterà via i fadighi , la spisa , e l'intellet .

Desp. Mo chinol sà .

Ran. Consiste in voi solo , l'utile , il danno , il beneficio ,

A T T O

neficio, & il contento uostro eterno, se voẽ
vorette fare al modo mio, cioè per quanto or-
dina il secreto.

Desp. Che tante cose? è desidero pi vn mascolo che
la libertat i presonieri, e si son per far quan-
to vù dirè.

Gar. Aldi zà senza respet, vostra cellentia diga
quant che fa debessogn, che la sarà vbidida.

Ran. Quanta difficultà è à tirar la cosa à buon fine
chel ci bisogna dopò il darli à mangiar vna
mia potione, che la donna habbi da congiun-
gersi con tale persona che non sia di va-
lore, imperò che quel tale non può viuere
più di dui giorni, tanto è la forza del li-
core.

Desp. Nò messer nò, co diauolo, vù volè che la
s'impazza con altre persone, può che mi te-
gna quel fio che farà per mio, non mihi pla-
cet, cagastrace, Dio mende varda.

Gar. Ste firem, ste sald, no tant in furio, che per
tut ol ghe di remedij.

Desp. Mo sil ghe fosse qualche sesto chel mio ho-
nor stesse al paragon, mi è vende supplico ca-
ri fradei.

Ran. El ce remedij assai, e molte volte gl' homin te
me di alcune cose che non importa nulla.

Desp. Cho che no importa sto vostro nulla? el fef-
sci

S E C O N D O. 10

seu vù caro misier sto baratto, e farne notar in ter libero de le cento nouele, per vn Bufalmaco?

Gar. Pol'è ù grachiga, à fa ogni cosa quand che i personi gha apetit, de voli ù seruis.

Ran. Al tutto signor si prouederà, et sempre l'ho nor vostro resterà puro, netto, e sincero.

Gar. O vedi mo, che l'anderà be.

Desp. Mo si vù farè cusi, è me laghero comandar, ben, che via bona ve par che se regna senza periculo nìgun?

Ran. Io vi dirò. Questa sera dopò cenato darete alla donna vostra la compositione, che opera ad restaurandum matricula mulieri, & trauestito con Garganio, il primo che per strada incontrarete dategli di mano, conducetelo in casa, & al mattino lasciatelo andare per suoi fatti, che niuno di questo non haurà saputa, & così adempirete le cose vostre.

Desp. Che disto ti Garganio?

Gar. Che voli che dighi? ol consei è bonissim, è del gouernà la cosa nof dubitè.

Desp. Ancora chel ghe intrauegna mille accidenti, mi è me metterò à sto visigo.

Ran. Et per farui appiacere ve presterò il seruitor mio, c'ha forza, & gli basta l'animo.

Desp. Gran merce, e si accetto, per esser zouene, o sacreto.

ATTO SECONDO.

Car. O vedi patrò chel g'ba trouat ol bus alla prima da fas ol pi feliz uechiet de sta terra.

Desp. Hor suso che ordene hauemo da tegnire.

Ran. Che voi andate à casa lasciando Garganio con esso meco, ilquale piglierà la potione, & farete quanto per me ci è stato imposto.

Desp. Sia in bon'hora Garganio, e te aspetterò, no far fallo.

Car. Messer no, cum diauol fallo?

Ran. Hor entriamo in casa à far quello che più importa.

Desp. Sia laudao i Cieli, e bauerò pur in cao de trenta anni vn yuouo da tre rossi da la mia consorte, tamen, e saremo à le brudeghe del sacco, cho ghe dirò de sta trapola, e de sto impazzarse con altri: ma cho la farò cauta, che no ne mal nìgun, e massime con persone supposite, mie credo, che la se tasenterà, s'no la l' scunigherà far à domodi, sbio, tic, toc.






ATTO TERZO.



GARGANIO, ROSPO,
Randolpho, Massara.

Car.  *Antar te mangia, ti somel
propi u contrestabol.*

Ro. *E vù à pari el Capitano
Gatamela.*

Ran. *Voi state benissimo, aduer-
tite à far la cosa, nel pren-
dermi, che lui non si accorgi.*

Ro. *Ho pota de me pare à fonte deslatò ve so dire.*

Gar. *Laghem gouerna pur à mi sta truffaria, e se
pur vù da valent quand che sari in ca con ma
dona Culindonia.*

Ran. *Hora andate che al tempo debito sarò al ca-
po de la stradetta propinqua alla casa del uer-
chio: vog'io mutarmi di vestimento, & ac-
conciarmi chel non mi conosca.*

Gar. *Horsus ve via compagnò.*

A T T O

Ro. Andè pur la inanzo che intogni muò à nol
ghe stropa che no ve stasse ben ligò al col-
lo .

Gar. Do bestiam , chi guardes à i tradimenti da vù
olter vildà , ol besognare al menor mal , scor-
tegas viui la plù part de vù .

Ro. Caminè pure , e lagom fare à chi sta de fora
de nù .

Gar. Sta in ceruel che sem alla porta , tic , toc ,
tac .

Mas. Chi bate la ?

Gar. Amigo .

Desp. Estu ti valent' homo ? vegni drento , hauen
quel seruiso con vù , azzo che no se vaga in
su è in zo ?

Ro. Masser si , è l'haon chiue in sta moiola coer-
to .

Gar. Be che ue par , ò misser Despontad , de nu olter ,
a sam vegnudi mascaradi da bari .

Desp. Sauen che à male stente , ve cognosso mi che
ve ho in pratica , in effetto ei se vuol far
le cose col deuer , o lagarle star , (dise Ovi-
dio) mo le meio , che vaga à vestirme anche
mi alla curta .

Gar. Disim vn po cho haue fat con madona .

Desp. No fastu zo che xe la donne ? dai vn schias-
fo e vna bona parola le te licha in fina i pan-
tofoli .

Gar.

Car. E po vu che ghavi di letri, in do confortini l'havi tirada à perfettio per que l'e po ina fomena sasonada, che conse ghe dis la raso, la dis fiat, vis marid me bel, e ma dai su vn basset, lat crepa da dre.

Desp. Sera quella porta, e intra in sto mezo che vegno adesso.

Car. Aldi, no stem à guarda, che l'è squas do bore de not.

Desp. E che hastu paura che la cercha non de toia le arme?

Ro. Inchina che me vedi viu, no ve dè pensiere.

Ran. Amor tu fai pur de gran miracoli, già fa poco io era studente, & hor io son tramutato in vn bricone, con far il cieco, il gaglioffo è peggio: ma spero bene di riceuer tal merto che in uita mia ti potrò lodare, non credo già che niuno, non hauendomi in pratica, mi potesse conoscer, tanto io son mutato con questi abiti: hauero pur in poco spatio di tempo colei; che non speraua di una etade: ma del tutto ne ringratio Garganio. Ilquale per il mezzo suo mi sarà concesso il dominar di così bella, gentil, e leggiadra madonna, si può dir la corona di questa città piena de vaghi sembianti.

Desp. Fuora, fuora, ande inanzi che staro da drio, sel bisognasse menar le man, mi che ho arme.

A T T O

Gar. Putana dol mond, me que spada è quella, è
so che si su la gamba ano mel pensau mai.

Desp. Mo chi credistu che sia, qualche pandol, ti
no sa ancora zo che so far, magari che ti no
fossi mio amico.

Ro. No se tantaro, che nol mazzasi à nouoian-
to.

Gar. Pò l'è in zizola, e mi spenderò i marcheg che l'
ma dat, aldi laghen andà à fa la scolta.

Desp. E te aspeteremò nu do qua da drio sto canton.

Ran. Occhi lucenti assai più che le stelle.

Gar. Ventura M. Despontad, à l'è chiloga, chal
cognos vn garzonet orbo, che nog veg miga,
à nol podiua vegni al plu proposit.

Desp. Pota de le latughe, mo ti è pur cima de ro-
sto, auanti auanti, che nol perdemo.

Gar. Tasi chel ve de qua, e si è poc da lontà.

Ran. Kìsguarda hor mai il tuo seruo fedele.

Gar. Forte, laga sta lira.

Ran. Oime à questo modo.

Ro. Cito si no cha te squarto.

Ran. Al cleco, che non vede.

Desp. Felo caminar, che anderò auanti.

Ran. Doue mi conducete, pietà cari signori.

Gar. No te dubitar de negota.

Desp. No, no, ti no ne si no per hauer apiafer d'z
nu.

Ro. A seom seguri, serè l'usso, e se mo lo fatto
ro-

vostro.

Desp. Moia fradei, à reuederse con pi comodo.

Car. E g'hauem metud l'osel in gabia, e voi mo

Ro. fradel, cb'andem à consola beti sel tà
pias.

Ro. Giandussa sal me piase, e in tanto chel pa-
ron sonerà saltarel, e nu à menceron le gra-
mole.

Car. O fradei em senti anda via i budei da fam.

Ro. Vuotu altro cha te farò stare ben adestro,
tic, toc.






ATTO QVARTO.



GARGANIO, ROSPO,
Despontao.

Gar.  *E via Rospo, e no sta à guar-
da.*

Ro. *A uegno', mo que presia
hetu?*

Gar. *E g'hò pressa che no voref,
che l'intrauegnis qualche pericol à misser
Randolf.*

Ro. *Mie si el ne miga vn locho vi.*

Gar. *Que diauol soi mi tal fiada ol trop appetit
fa derochè i homegn zo di montagni.*

Ro. *Dhe polenton, mo che critu que l'abbia te-
ma de quel sgargaiofo.*

Gar. *Horsus sta in ceruel, che sem alla porta tic-
toc.*

Desp. *Estu ti maschera, aspetta che vegno adesso.*

Gar.

Q V A R T O. 14

Gar. O fradel, ol vech è stad vigilant, è l'amig
ha masenad la segala.

Ro. Si à fe da compare.

Desp. E son qua che hora xe.

Gar. El ua per quater hori uel circa.

Desp. Al sangue de l'anema mia Garganio, che
ho batuo tre uolte alla porta de la camera,
e si nol ghe ordene che negun me responda,
mi è credo qualche mal de lori, che i no, fos-
se morti.

Gar. Mai depont à i des indormenzadi, che la po-
tio, la uora uia.

Ro. No, no ue toli fastidio de niente.

Desp. E uoio tornar à farlo inscir fuora, arzo chel
no staga fina zorno, è che le brigae intendes-
se el demonio di fatti mie, no ue parti.

Gar. Ande pur, o que turlulù, & so mi di, chel
la buda alla barba, da murlò senza ceruel.

Ro. Vaga pure, à intrar in la compagnia di bechi.

Desp. Va pur là, che la to lira è salua, è si ti auri-
rà la bocca de cossa niguna, aquaia ti, che
te farò sbuelar, e scanar, che ti no dirà to
colpa.

Gar. Camina maschera, branchel in tei braz.

Ran. Dio mi aiuti la mia lira di gratia.

Ro. Tiola chine, e no dera sonar ninte che gramo ti.

Ran. Io non dirò nulla, purché mi lasciate andar.

Desp. Degbe tre, o quattro zira uolte, arzo chel no
s'arecorda

A T T O

s'arecorda de donde l'è vegnuo.

Ran. Oime non mi stornite, oime?

Gar. Andem, che no credi se l'haues legad à braz
da pagura nol lo vigneref à pial.

Rosp. E pò, con diambra volin, che'l sipia torna-
re consi à scuri orboli.

Desp. Moia e ve lagherò, che l'è tardi. Garg. da-
mattina vignerà che te darò el seruiso con
rengyatiar la eccellentia de misser Rand.

Ro. Miedesi al no tin sti conti, con la S. V.

Gar. Ma din bona fe nò, perque le ù zentilhoni
da be.

Desp. Basta, e ghe son vbligao in vita mia, de l'es-
fer tanto cortese, e no ne hauer visto altro,
che vna volta, e mostrarme tanta bona ciera.

Gar. Que credi che sia folestieri? à i è de sangue
dolzo.

Desp. Madinueritae si: horsus e vo via, ste la bo-
na notte, che voio andar à confortar Calì-
donia.

Ro. Sì, sì, pure che no la desconsortè.

Gar. Guarda che semplicitè babui, che vol confor-
tà icfì bella creatura.

Ro. Mo lo me paron, l'haben consolà, confortà,
e satisfà te so dire, frelo.

Gar. Vel apont illo sul us chel n'aspetta.

Ran. Adio compagni, done si viene?

Gar. Adè, adè, donde sis stad vù.

Ran.